

MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E CRUZ ROJA ESPAÑOLA EN GALICIA PARA A EXECUCIÓN DUN PROGRAMA DE ACOMPAÑAMENTO E APOIO A PERSOAS SEN TEITO OU EN SITUACIÓN DE VULNERABILIDADE EXTREMA.

A Comunidade Autónoma de Galicia, segundo o establecido no artigo 27.23 do Estatuto da Autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución Española, ten competencia exclusiva en materia de asistencia social, polo que na súa virtude aprobouse a Lei 13/2008, do 3 de decembro, de servizos sociais de Galicia.

A súa vez, e en uso da competencia exclusiva recollida no artigo 27 do vixente Estatuto de Autonomía, en virtude da habilitación competencial outorgada ás Comunidades Autónomas polo artigo 148.1.20 da Constitución española, desenvolveuse un sistema galego de servizos sociais, regulado pola Lei 13/2008, do 3 de decembro, de servizos sociais de Galicia en virtude da cal corresponde á Xunta de Galicia a planificación e programación xeral dos servizos sociais no ámbito territorial de Galicia.

En virtude das competencias exclusivas no ámbito de asistencia social que lle corresponden, a Comunidade Autónoma promulgou a Lei 10/2013, do 27 de novembro, de inclusión social de Galicia, no artigo 57.4 establece que as administracións autonómica e local poderán conceder subvencións, así como subscribir, de acordo co artigo 31 da Lei 13/2008, do 3 de decembro, de servizos sociais de Galicia, convenios de colaboración con entidades de iniciativa social que dispoñan da capacidade e dos medios adecuados para a realización das actividades de inserción social de colectivos con problemáticas específicas e persoas beneficiarias da renda de inclusión social de Galicia.

A Consellería de Política Social e Xuventude, en virtude do establecido no Decreto 216/2020, do 3 de decembro, polo que se establece a súa estrutura orgánica correspóndelle as competencias correspondentes en materia de benestar e, particularmente, en inclusión social.



Un dos colectivos que sofren de forma extrema exclusión social é o das persoas sen fogar, entendendo por tales aquelas persoas que carecen de residencia ou domicilio estable e que se atopen nunha situación socio familiar vulnerable, sen ingresos nin traballo e en definitiva en situación de vulnerabilidade.

Esta situación precisa dun programa específico que permita previr e atender as necesidades sociais e laborais deste grupo de persoas. Con esta finalidade a Consellería de Política Social e Xuventude iniciou unha liña de colaboración coa entidade de iniciativa social Cruz Roja Española en Galicia para levar a cabo un programa integral, no que teñan cabida todas as formas de intervención precisas para minimizar os danos asociados á condición de persoas sen teito na procura dun xeito de vida normalizada.

O programa de acompañamento e apoio a persoas sen teito obxecto deste convenio, consistirá no establecemento de liñas de atención ás situacións sen fogarismo a través da intervención coordinada con enfoque integral levada a cabo polos equipos técnicos municipais da entidade con capacidade de actuación en todo o territorio galego. Tal cometido desenvólvese na rúa, nos albergues, nos recursos da rede de atención específica ás persoas sen fogar, os centros de Cruz Roja Española en Galicia e demais servizos de acollida existentes de accións dirixidas a:

- Informar e derivar aos usuarios cara os servizos pertinentes.
- Proporcionar asesoramento social e legal.
- Desenvolvemento das accións de acompañamento especializado para a inclusión social ou sociolaboral, mediación e resolución de conflitos relacionados coa vivenda, intermediación inmobiliaria, prevención da discriminación no mercado da vivenda, de persoas sen fogar, en procesos de inclusión residencial promovidos pola Administración Pública, entidades sociais.
- Apoio específico e acompañamento técnico para inclusión social ou sociolaboral das persoas sen teito que accederon a prazas residenciais do sistema público por mor dunha situación de emerxencia social.
- Dar soporte técnico a las administracións locais que traballen con persoas sen fogar cando sexa preciso e non dispoñan de medios propios, nos procesos de acompañamento e mellora de competencias persoais, sociais e laborais. A Entidade encargárase de difundir nas Administracións e entidades sociais de Galicia o tipo de



soporte complementario que está en disposición de prestar para o apoio das persoas sen fogar.

-Dar continuidade as actuacións que ven desenvolvendo a Cruz Roja en Galicia encamiñadas a concienciar a sociedade da realidade e da problemática das persoas sen fogar. Estas actuacións serán accións personalizadas nos recursos sociais existentes en Galicia (albergues, cocinas económicas...) ou xornadas de concienciación e de traballo, utilizando a rede, os coñecementos e recursos que a entidade ten na comunidade .

A Cruz Roja Española en Galicia procederá, con cargo ao orzamento do convenio de colaboración coa Consellería de Política Social e Xuventude, á realización das actuacións descritas, sen que en ningún caso a realización das mesmas supoña unha contraprestación directa por parte da Cruz Roja, debendo esta cumprir coas obrigacións formais establecidas nas cláusulas do convenio.

O convenio terá carácter administrativo, sen que en ningún caso poidan derivarse del dereitos ou obrigas de carácter laboral. Os seus efectos rexeranse polo establecido nas cláusulas do mesmo e no non previsto aplicaráselle os principios do Texto refundido da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/2023/UE e 2014/2024/UE, do 26 de febreiro de 2014, para resolver as lagoas e dúbidas que puidesen presentarse.

O convenio entrará en vigor o día da súa sinatura, estendendo os seus efectos dende o día 1 de xaneiro de 2022, e terá vixencia ata o 31 de decembro do mesmo ano.

Para a realización das actividades obxecto do presente convenio a Consellería de Política Social e Xuventude, achegará a cantidade de cento sesenta e nove mil novecentos cincuenta euros (169.950,00.- euros) con cargo á aplicación orzamentaria 13.03.313C.481.4.

Cruz Roja elaborou o único estudio sobre a situación das persoas sen fogar en Galicia, ten unha axeitada implantación territorial, a través das súas respectivas asembleas locais, dispoñendo dunha das redes máis sólidas de traballo interconectadas a través dun sistema de banda ancha, conta cunha experiencia acreditada na elaboración e execución de programas integrais e innovadores de loita contra os procesos de exclusión mediante recursos humanos e materiais que integran dispositivos propios. Dispón así mesmo dunha ferramenta informática que permite ter datos en tempo real



sobre a situación das personas atendidas polas entidades que traballan con persoas sen fogar.

Que malia ser unha subvención concedida mediante convenio cun importe superior a 150.000 euros, a sinatura do convenio non require de autorización previa do Consello da Xunta de Galicia, por estar prevista na lei de orzamentos de Galicia para o ano 2022 como subvención nominativa, ao abeiro do artigo 37.3 do Decreto 11/2009, de 8 de enero, polo que se aproba o Regulamento da Ley 9/2007, de 13 de junio, de subvencións de Galicia.

Asinado dixitalmente en Santiago de Compostela

